



PRÆFATIO!

GEORGIUS FRANCUS LECTORI BENEVOLO S. P. D.

Uanta Arborum sit *περιχών*, quanta utilitas, quantaque apud mortales necessitas, tam ex Sacris palam fit, quam ē profanis historiis. Ibi enim Protoplastes J E H O V A H inter rerum primordia ē terra produxit illas: Ibi Idem primus Arborator plantavit hortum in Eden, quem Paradisum nominarunt, & *πετόπλαστον* A D A M in amoenissimum illud Naturæ viridarium posuit, qui primus topiariam ficeret, hortumque custodiret. Utilitatem autem, immo arborum necessitatem inde intellexerunt homines, quia fructibus illarum famem solabantur, omnemque sustentabant familiam, teste *άγιογράφῳ* M O S E, primo sacrarum Pandectarum conditore. Nec hoc Ethnicis incognitum, qui

Contenti-cibis nullo cogente creatis,
Arbuteos fetus, montanaque fraga legebant,
Cornaque, & in duris hærentia mora rubetis,
Et quæ deciderant patula Jovis arbore glandes;